

Turpissimum quidem est, maiores uestros pro legibus tuendis etiam mortem oppetere non dubitasse uos autem in eas delinquentes, & prorsus euertere conantes, nolle punire. Ex orat. 2. contra Aristog.

Non puto maiores hæc tribunalia & porticus uobis ædificasse, ut eiusmodi homines in eis saginetis, sed contrà, ut coerceatis & puniatis, ac ne quis æmuletur aut expetat improbitatem. Ex orat. 1. contra Aristog.

## De morte.

MORTALIBVS omnibus uitæ finis est mors, etiam si quis in domuncula conclusum se conseruet. decet autem uiros fortes & strenuos semper omnia quæ præclara sunt, aggredi, spem bonam uelut propugnaculum sibi proponentes, & fortiter quidquid dederit Deus, ferre. Ex oratione de coron.

Qui in animis omnium mortalium insitum atq; innatum uiuendi desiderium contemnendum duxerunt, & honestè morimauerunt, quàm uiuentes Græciam uidere in miserijs & calamitatibus uersari, nonne singularem & præstantissimam omni oratione uirtutem suam reliquerunt? Ex orat. funeb.

Omnibus omnium peccatorum terminus est mors. Ex 3. epist.

EX DEMOSTHENIS  
ORATIONIBVS ET EPISTO-  
LIS SIMILIA.



T approbaueritis & erga unumquemque beneuolo animo fueritis, ita orator sapere uidebitur. Ex orat. de coron.

Quemadmodum domus, opinor, nauigij, & aliorum id genus firmissima fundamenta esse oportet, sic etiam negotiorum actionumue principia & causas ue-



tas ac iustas esse decet. Olynth. 2.

Per deos, quis uestrum usq; adeo stolidus est, qui ignoret il-  
linc bellum huc uenturum, si negligentius egerimus? at uero id si  
euenerit, uereor Athenienses, ne eodem modo, ut qui æs alienum  
grande conflant, facile usuris exiguo tempore ditati, paulo post  
etiam auitis bonis cedunt.

Sic nos quoq; si diutius segnes & ignaui esse uideamur, cun-  
ctaq; ad uoluptatem quærerere, postea adducamur in necessitatem  
faciendi multa etiam grauiam quæ nolebamus, & de ijs quæ sunt in  
hac regione periclitemur. Olynth. i.

Quemadmodum per hos magnus & potens euasit, quum sin-  
guli censebant ipsum utile quippiam sibi facturum esse: sic rursus  
per ipsos debet deijci, postquam omnia utilitatis suæ gratia face-  
re conuictus est. Olynth. 2.

Cum fortasse possim quemadmodum & alij accusare, & gra-  
tificari populo, & publicare, & reliqua factitare quæ isti faci-  
unt, ne in ulla quidem huiusmodi re unquam uersatus sim, neq; eo  
sim adductus, neq; lucro, neq; gloriæ cupiditate & ambitione, ue-  
rum ea usque adhuc dicere perseuerem, quibus ego multis inferior  
sim apud nos, uos autem si me audiretis, maiores essetis, sic etiam  
inuidiosum dicere non fuerit. Ex orat. de rebus Cherronesicis.

Vt in corporibus nostris etiam si pars aliqua malè sit affecta,  
tamen non dolet, donec alioqui rectè ualemus: ubi uero acciderit  
ægotatio aliqua, singulæ partes cientur, siue ruptura, siue luxa-  
tio, siue earum quæ uitiatæ sunt aliqua fuerit: sic se habet res ci-  
uitatum & tyrannorum donec foris bellum gerunt, domestica ui-  
tia non sunt multitudini conspicua: cum uero finitimum bellum  
gerendum est, priuata omnia flagitia patefiunt. Olynth. 2.

Equidem optarem, quemadmodum scio in rem uestram esse,  
ut optima dicentem audiatis, sic scire me idem optima dicenti esse  
profuturum: multo enim iucundius dicerem nunc uero metuo, sed  
tamen utilia uisum iri credo, etiamsi uos non pareatis, dicere non  
desinam. Ex 52. Procem;



Turpe est Athenienses decipere uos ipsos, & omnia prorogando quae factu difficilia sunt intempestiue agere, hocq; non posse intelligere, quod eos oportet, qui recte bellum administrare uolunt, non sequi res, sed antecedere rebus eodemq; modo quemadmodum quispiam iudicet, imperatorem debere copijs praesse, sic etiam rebus bonos consiliarios praesse oportet, ut quaecunq; illis uisa fuerint, ea gerantur, & non cogantur quaelibet persequi. Ex oratione I. contra Philip.

Quemadmodum barbari pugnis decertant, ita uos bellum geritis cum Philippo. Etenim qui ex illis uulneratus est, semper plagam cōtrectat, & si quis alibi ictus fuerit, illic manus sunt ictum autem depellere aut contra intueri neq; nouit, neq; uult: sic uos si audiueritis Philippum esse in Cherrhoneso, illuc mittenda esse auxilia decernitis, si in Pylis, si alibi, unā cursitatis sursum ac deorsum, & ab illo certē gubernamini: nihil porrō decernitis, quod uobis in bello gerendo utile sit, neq; de pecunijs quicquam prospicitis, priusquam uel factum esse aliquid, uel fieri audiueritis. Ex oratione I. contra Philip.

Quemadmodum scio uobis conducere, ut optima audiatis, sic etiam si scirem utile fore ei qui optima dixerit, multo iucundius ac libentiū dicerem. Ex oratione I. contra Philip.

Non per Iouē reliquosq; Deos omnes in odium incurrere uolo, uerū hęc commemoro, ut uestrum quisque hoc cognoscat ac uideat, quod quotidiana quies & inertia quemadmodum in priuatis uitis, sic & in ciuitatibus, non ex singulis eorum quae negliguntur, statim mouet sensum sui, sed in summa rerum occurrit. Ex oratione 4. contra Philip.

Vt uniuscuiusq; nostrum aliquis est parens, sic totius ciuitatis ciues omnes parentes communes existimare oportet, hisq; decet non solum nō ex his quae ciuitas donat, quidquam adimere, immo uerō, si nihil horum esset, aliunde prospicere deceret, ne ullius reū indigentes contemnerentur. Ex oratione 4. contra Philip.



Vt quemadmodum ille paratum habet exercitum profligandæ, & in seruitutem redigendæ uniuersæ Græciæ, sic uos salutarem & auxiliarem omnibus paratum tanquam in procinctu habeatis. non enim fieri potest ut mittendis subsidijs unquam quidquam rectè commodeq; geratur. Ex orat. de rebus Cherrho.

Vt si quis illorum qui leges uiolarunt, antea damnatus esset, tu ista non scripsisses: sic tu si nunc pœnas dederis, alius non scribet. Ex oratione aduersus Androt.

Quemadmodum exercitum quem ciuitas habet, dissoluere student, ducem & stipendium curantem ei criminantes apud uos, sic ostendant Philippi copias dissolutum iri, si uobis istud persuaserint. Ex orat. de rebus Cherrhon.

Quemadmodum in corporibus nostris quum quis certè ualens & robustus est, nihil eorum sentit, quæ singulatim uitiata sunt, ubi uerò ægrotauerit, omnia mouetur, siue ruptura, siue luxatio, siue aliud quodpiam membrum non est perfectè sanum: sic & in re gnis ac omnibus potestatibus, donec sanè in bellis res prosperè gerunt, obscura & incognita uitia sunt uulgo: sin casus aliquis & damnum præter spem acciderit, omnia omnibus fiunt aperta illorum flagitia. Ex orat. ad Philip.

Si quàm maximè fieri potest, in rem esset loquutus, quemadmodum tum dixit, uos autem per segnitiam & ignauiam neglexissetis, neq; paruissetis, an gestum esset eorum quæ tum ciuitatè eueneret? fieri non potest. sic igitur in ijs quæ ego nunc loquor & quouis alius dixerit facta à uobis ipsis quærite. Ex orat. de rebus Cherrhon.

Videant ut quemadmodum ad interrogandum prompti sunt, sic etiam alacres & promptos ad agendum se præstent. Ex orat. de rebus Cherrhon.

Vt si quis grauias supplicia sceleribus constituat, ipse quidem minimè iniuriam facere paratus esse uidetur: sic si quis honores & præmia bene meritorum tollat, ipse nihil boni facere paratus uidebitur. Ex orat. ad Leptinem.



Vt istorum quisque suis & huius commodis student, ita uos uobis ipsis & legibus, mihiq; ipsi ad uos confugienti studete, & hanc sententiam, in qua nunc estis seruate. Ex orat. cont. Midiam.

Si profecto ut modestis poenas sumere sufficeret, ita leges sanxisset, impunitate & licentia fore multos improbos censebat. Sin autem ut securis & dicendi peritis, futurum ut priuati homines non possent eodem modo quo illis poenam sumere. Contra Andr.

Quemadmodum reliqui iuris ciuitatis æqua pars inest cuiq; sic quoque legis æquam partem singulis tribuendam esse putauit, qui eam tulit, & propterea scripsit, non licere legem ferre de uiro, nisi eadem ad omnes Athenienses pertineat. Ex orat. contra Aristocrat.

Non hoc solum ciuitatis nostræ donum contemptum & uile euasit, sed etiam reliqua omnia propter sceleratorum, & dijs infestorum oratorum, qui talia sceleriter & consulto scribunt, improbitatem, quorum uita turpiter quæstiosa tam in immensum excreuit, ut honores & munera uestratia, quemadmodum qui paruorum rerum & admodum uilium actionem faciunt, sic uili precio ementes uendunt, & multis ob eum ipsum quæstum statuentes quidquid uoluerint. Ex orat. contra Arist.

Quemadmodum quum in magistratu sunt, priuatos homines existimant oportere sibi morem gerere ita posteaquam ipsi rursus priuati facti sunt, legibus reip. moderatricibus iure obtemperant. Ex orat. 2. contra Aristog.

Admonere istum, insania est. qui enim tumultibus, quibus populus uniuersus sibi molestos admonet, nunquam cessit, neque commotus est, unius scilicet alicuius oratione commouebitur? immedicabile Athenienses malum est huius improbitas itaque quemadmodum medici quum tumorem malignum prædurum quidem, aut ulcus uicina omnia membra depascens, aut aliquod immedicabile malum uiderunt, urunt, aut omnino excidunt, ita uos omnes oportet beluam hanc exterminare, & ex urbe eijcere, nec expectare dum uobis damnum aliquod attulerit, quod absit ut in Reip.

per



pernitiam sit, sed præcauendum est. Ex orat. I. contra Aristog.

Quemadmodum si quis illorum damnatus fuisset, tu ista non scripsisses, sic tu nunc si damnaberis, alius non scribet. Ex orat. contra Androt.

Existimo per Iouem olympium, iudices, non fortuito petulantiam & insolentiam istam subortam esse Androtioni, sed à dea immissam esse, ut quemadmodum qui uictoriæ donaria circunciderunt, ipsi mortem sibi consciuerunt, sic & isti iudicio contendentes perierunt, aut pecuniã duplam iuxta leges persoluerent, aut capitis poenas luerent. Ex orat. contra Timocrat.

Vt alius ciuitatis æquam partem unicuiq; dari uult, sic etiam legum istarum bonæ partis esse unumquemq; cupit. Ex orat. contra Timocrat.

Quemadmodum enim Chalcis in Eubœo loco ad Bœotiam sita est, sic in Cherroneso ad Thraciam sita est Cardianorum ciuitas. Ex orat. contra Aristoc.

Quemadmodum isti sibi ipsis succurrunt aduersus uos, sic & uos oportet uobis ipsis opitulari. Ex orat. contra Timocrat.

Ego enim quemadmodum & istum tot tantaq; retinere conuici, sic & illorum utrunq; non pauciora istis habere ostendam. Ex orat. contra Aphobum. I.

Vos Athenienses, naturæ bonitate, quod dixi, alij erga alios humanitate & clementia utentes, quemadmodum consanguinei qui in eadem domo habitant, sic uos eandem urbem publicè incolitis. Ex orat. I. contra Aristocrat.

Vt quemadmodum uobis ego testimonijs multis & argumentis ostendi matrem meam talentum pro dote attulisse, istud uerò me de paternis bonis non accepisse, uobis autem domum in id constructam exemptam esse, sic & istam iubete uobis iudicare, aut uera non esse quæ dico, aut me non debere dotem recipere. Ex oratione contra Bœotum de dote.

Si semel permiseritis Remp. capeffentibus, ut iniquè & contra leges agant, & præfinitum ius despiciant, necesse erit uos



omnes illorum improbitatis incommodum capere, qui hanc urbem incolimus quemadmodum enim ex erratis quæ in nauibus inter nauigandum contingunt, si quis præsertim nautarum peccet, leue & paruum adfert damnum uerum si gubernator aberret aut delinquat, omnibus simul nauigantibus commune infortunium ac periculum struit ita priuatorum hominum delicta non in plebis, sed in ipsorum incommodum referuntur, magistratum autem & remp. administrantium peccata in uos omnes sparguntur. Ex orat. 2. contra Aristogit.

Quemadmodum iudices, maximè uos ipsi nolletis malè audire à uestris liberis sic nec istum patri conuitium facere sinatis. Etenim graue esset, si ipsi cum ijs, qui in paucorum dominatu multos ciues indicta causa iudicatos interemerunt, reconciliati stetis pactis & conuentis, quemadmodum probos & bonos decet istum, qui cum patre uiuente negotium iudiciale transegit, & multis rebus per iniuriam potentior euasit, nunc memoriam discordiarum renouare permittatis, eiq; maledicere. Ex orat. contra Bceotum.

Quemadmodum publicè ijs omnibus opitulati estis, qui in foedis iugiter laborant, sic & priuatim nunc mihi auxilio sitis et enim si seruus uester, non ciuis essem, uisa ac cognita industria mea & erga uos beneuolentia, leuassetis me sumptibus, & in aliquem alium fugitiuum irruissetis. Ex orat. contra Phæniç.

Peto à uobis iudices, quoniam omnia quæ iusta sunt, declarari, fidemq; uobis præstiti, quemadmodum unusquisq; eum à quo iniuria afficeretur, odio haberet, sic pro me aduersus Cononem istum iram euomat, nec talium quidquam proprium existimetis, quod etiam alteri fortè contingere potest, sed cuiusq; tandem euenerit, opem ferte, & quæ iusta sunt tribuite. Ex orat. contra Cononem.

Deinde subdole agit, dicitq; oportere, quam de nobis domo delatam habetis opinionem negligere, ut quum arbitramini pecunias alicui superesse rationem subducitis quod si uera sit subducitio



Etio, nihilq; supersit, acquiescitis: sic nunc quoq; & oratione ijs est assentiendum, quæ rationem præ se ferunt. Ex oratione de Corona.

Cum hortarentur me priuatim omnes, meq; conuenirent ut ad supplicium sumendum de ijs quæ ab eo passi sumus, conuerteremur, & ut eum omnium mortalium ignauissimum incesserent, si tanta mihi cum his sit familiaritas, non exigerem supplicium pro sorore & affinibus & neptibus & uxore mea, quæ neq; aperte in Deos impia fuit, neq; in ciuitatem contumeliosa, legesq; uestras contempsit, ea ad uos adducta, eiusq; sceleribus declaratis & cognitis, eam uestro iudicio subiicerem, ut quidquid uelletis de ea statueretis, & quemadmodum Stephanus iste contra leges & sophismata me meis familiaribus & necessarijs priuauit, sic & ego ingressus apud uos, ostenderem istum peregrinam uxorem contra legem duxisse, alienigenos pueros adducere tunc ad tribules, tunc ad populares, alienas porro despondere filias pro suis, & deorum religionem polluisse, populi auctoritatem irritam & nullam facere, si quem uelit ciuem creare. Ex oratione contra Neeram.

Quemadmodum qui emit, eum uicit qui pecuniam acceperit, si eum emerit: sic qui non accepit pecuniam, neq; corruptus est, uicit eum qui emit. Ex orat. de coron.

Constitu nobilitatis rerumq; maximarum repetita memoria, ita demum orationem coniungere cum egregijs illorum facinoribus, ut quemadmodum natura fuerunt cognati, sic etiam communibus eos laudibus exornem, existimans hæc & illis esse gratissima ac potius utrisque placitura, si mutua uirtute, nedum natura, uerum & laudibus communicent. Ex oratione funebri.

In gentem fortasse excessum memorare uidebimur, dicendum tamen. quemadmodum enim si quis ex hoc consistenti mundo lumen tollat, laboriosa & difficilis reliqua omnis uita futura est: sic his uiris sublatis, in ten:bras magnamq; turpitudinem



omnis qua antea fulserunt Græci, claritudo incidit. Ex oratione funeb.

Sensi profectò statim ab initio omnem hominem, qui Reip. curam gerit, decere, modò bonus ciuis sit quemadmodum liberi erga parentes, sic erga omnes ciues se habere, beneuolos tamen ferat, qualescunq; fuerint, nam in eiusmodi rebus à sapientibus præclara & illustris uictoria existimatur. Ex 3. epist.

Ego uerò oportere censeo, ac mihi propter id quod dicturus sum ne reclametis & obstrepatis, sed ubi audiueritis, iudicate, quemadmodum de accipiendo ad concionem retulimus, sic etiam de ciuibus in certos ordines redigendis, in comparandis rebus ad bellum necessarijs, concionem assignare, & seipsum præbere, non modò hæc audire uolentem, sed etiam facere cupientem, ut Athenienses bonorum spes habeatis, nec hunc neque illum quid gerat interrogetis. Ex orat. de ord. ciuit.

Fortassis ut neque priuatim facile est omnia rectè agere, sic neq; publicè, sed tamen res maximas negligere non oportet. Ex 24. Proœm.

Istis statim ab initio nihil curæ fuit huius syngraphæ, sed ut nostra pro sua usi sunt pecunia, sic sunt hi scelerati sophistæ & iniqui homines. Ex orat. contra Aphobum de falso testimonio.

Quemadmodum Athenienses, scelestos ac profligatos alios qui scelera fatentur, sine iudicio supplicijs affici leges iubent, sic etiam iste, quando quidem leges deprauare deprehensus est, non concessa dicendi potestate, nec auditis eius excusationibus condemnandus erit. confessus est enim altera priore lege, se contra-ria ista ferenda haud æquum facere. Ex oratione. contra Timocratem.

Quemadmodum si quale sit argentum, iudicandum esset, illud explorandum & probandum existimaretis, sic etiam postulo, ut habitam orationem ex his quæ uos contra disseruimus, iudicantes, utilem quidem si inuenietis, fauente fortuna sequamini. Ex 39. Proœm.

Peto



DEM  
Peto à uobis quem  
me præbui, sic & uos  
aduersus Polyclem.

VIRO D  
OPTIME M

TARTRE

SAO I

V

scripti sunt, non sol  
etiam suauitate dic  
ut qui eos in manu  
um negotij non nihil  
eorum philosopharum  
explicandis sit occ  
dicensuerint, possun  
solemus, nonnulli  
diquid, quanquam  
atur, ne in suspitione  
simorum uirorum  
prope omnes, qu  
à Cicerone, unum  
nominatim cuiusque  
fit à breuiter confra



Peto à uobis quemadmodum ego uobis modestum & utilem me præbui, sic & uos nunc mei rationem habeatis. Ex oratione aduersus Polyclem.

# VIRO DE LITTERIS

OPTIME MERITO D. NICOLAO

TARTERIO MECOENATI

suo Desiderius Iacotius

Vandoperanus S.



VM Philosophici curriculi tempus tuæ singulari liberalitate erga me penè absoluisssem Meccenas, quasi de uia fessus ad Ciceronem tanquam in locum quendam amœnum relaxandi animi caussa mihi confugiendum putauit. Qui enim ab eo de philosophia & eloquẽtia libri uariè copiosèq; perscripti sunt, non solum ut nosti, admirabili quadam scientia, sed etiam suauitate dicendi & copia legentium ita mouent animos, ut qui eos in manus sumpserit, deponere nunquam uelit. Hoc unum negotij non nihil exhibere solet, quòd cum magnam partem in eorum philosophorum, qui tum florebant sententijs & præceptis explicandis sit occupatus, libri autem non extent, ex quibus, quid censuerint, possimus cognoscere, hæsitare plerunq; & dubitare solemus, nonnulli etiam ex Platone aut Aristotele depromere aliquid, quanquam alienum, quod rudioribus ad rem facere uideatur, ne in suspicionem ignorationis ueniant. Quod cum doctissimorum uirorum iudicio ineptum intelligerem, philosophos illos prope omnes, quorum sententiæ quædam latinè expressæ sunt à Cicerone, unum in locum, quo ad per uires licuit, conduxi, & nominatim cuiusque decretam uno duntaxat Cicerone conquisita breuiter conscripsi, ut eloquentiæ & philosophiæ studiosè